

海州吳氏世譜序

夫族之有譜如國之有乘也國無乘則綱紀邪正未辨矣族無譜則宗支昭穆難曉矣故有族則不可無者是譜也萬姓率皆修譜祖述祖宗之遺澤遺績閱百世而鼻祖耳孫之繩武貽謨之道明瞭鑑諸夫吾東吳氏之以貫海州者以高麗軍器監公諱仁裕爲始祖也則未知其吾宗之先系果自出於軍器監公也而迷昏錯茫不曉真的良可痛恨者也噫十世祖諱克昌主簿公端廟痛變退居羅州寄跡雲林以琴書自娛而終九世祖諱源叅奉公奄遭回祿之灾家譜文牒盡入於灰燼不勝憂憤移居于靈巖郡南草谷想惟吾宗之先系未詳由此火災失

譜之所致窮天極地之痛那可盡道也哉六世祖諱世英通德
郎公西居于鳳舉里始有八男分居於隱谷草岸是乃鼎足之
像也其麗數百而去已亥譜以直長公諱謹孝爲吾中祖載錄
而謹按舊家乘則十二世祖諱裕參奉公以竹山公諱誠孝次
子昭詳載錄則已亥譜系豈非誤錄耶昨冬門議齊發今將修
譜依舊家乘証正舊誤修補前缺于嗟後裔勿替引之則攝人
心收宗族而追遠之德復爲歸厚矣孝悌之心油然而生宗支
昭穆遠近秩序殆若炳燭不至於路人之視而無復有黃魯直
失譜之歎矣顧此不佞以鹵莽之質述先裕後之道不勝愴
感忘其僭踰敢爲之序

昭和十一年丙子仲春上澣不肖孫 慶會謹序

夫有人則有族有族則有譜譜也者繩其祖武貽厥孫謀之所
以作也是故程子曰攝人心收宗族蘇氏曰孝悌之心油然而
生豈敢忽哉東之吾吳貫以首陽者悉以高麗軍器監公諱仁
裕爲始祖則吾之先源亦系於此未可詳知而未得中山之正
實爲含冤茹恨者也況又去己亥譜以直長公諱謹孝爲吾宗
之中祖揭載未質然疑心常如失丁今修譜素圃先生叅判公
文集兼爲刊出之意門議齊同將開始役而遺文遺稿蒐覓於
叅判宅篋笥中惟吾先祖三百餘年前遺戒文籍今始發見又
有家乘脈望煙塵互相樓蝕悲喜交摯家乘意亦似爲數百年

所盟手謹按則十四世祖諱裕竹山公諱誠孝之次子昭詳載錄數百歲之後殆若夏承先祖之顏豈無欽感驚喜之心乎追惟舊譜修時有此家乘萬無是理而意無舊乘不覓攷閱之所以然也痛歎奈之何當此修譜不可無改正謹依舊家乘正其誤謬明其真實以雪崇韜拜汾陽之恥則孝悌之心夏發於誠追遠之誠歸厚於德矣凡譜於斯者以親厚之心敦睦之誼無忝先祖之種德餘蔭不至於路人之視豈不偉哉余以不敏之質追感前烈垂裕後昆之道不敢恣議猥是忝在修正之任略舉顛末乃敢爲序

昭和十一年丙子壯月下浣不肖孫

亮善謹序

舊譜序

帝典曰克明峻德以親九族吾人之圓顛方趾者孰不誦堯治堯乎堯舜之道孝悌而已孝悌之於人也猶水之有源木之有條千流萬派無不浩洋而其委也朝宗于海千枝萬葉無不毀榮而其氣也歸晦于根此萬殊一本之理也今之氏族其麗不億而要其敦睦懿親以昭一本之誼則此吾譜之所以作也詳其親疎之誼而慮其路人之視譜旣作矣則其無敘倫親族之樂乎噫惟我氏族寓居茲土將近三百年所矣滄然餘緒至于百代雲仍蕃延者此莫非天翁之陰騰而亦其非先祖之邁德乎自茲以往世疎遠後屬漸疎則亦將不知其甲冑之爲祖若

孫乙舍之兄及弟矣當此修譜役鉅力綿而僉議齊發者豈不
尤爲重且敬與望須後裔盍將勉旃愚學淺識薄聞見諛寡安
敢贊不嫻之辭於先世文獻哉極知僭踰而追感前烈於是乎
序

明治三十二年己亥暮春下浣不肖孫 顯彬謹序

木之生也枝條千萬而其本一根柢也人之生也子孫踈遠而
其初一父母而漸惟其踈也故忽之惟其遠也故忘之忘之忽
之終之於塗人塗人也不啻如越視秦瘠者何哉是不思其本
故也思其本而不忘則亦不以踈遠而忽之此吾譜之所以作
也吾先世譜系見失於兵燹既無可徵已亥修譜將至於四十
年所而門議齊同今茲修譜作冊二卷以遺我雲仍使後之覽
斯譜者孝悌之心油然而生嗚呼余有後其肯構乎爲吾子孫
者式遵先志嗣屬記載後派根柢毋今失墜不至於忽忘焉
幸矣苟或不然慢其傳受怠於記屬骨肉踈遠之後漫不省其
本源以孤我貽厥之意其於爲人賢不肖惟我後胤謹之哉

丙子暮春下浣后孫 顯龍謹序

譜者一家史也易明而難明何謂其然也祖其祖則體統正大易明也或舍厥祖而祖他祖者比比源流濁昏難明也故朱子曰疑祖不拜又曰移動祖先罪不容於覆載之間上一節禁其祖疑信相間之祖者也下一節禁其以詳實之祖謂之未彰祖他迷惑之顯祖者也一自崇信譜史春秋謹嚴之家皆軒樞密而輕崇韜者豈無所以哉往在己亥維我海州氏整理譜規以麗朝門下侍中 贈同知樞密使公諱克中爲始祖不祖乎迷惑之他顯祖者是也假使換胎易骨改父遞祖者一觀吾譜則毛骨踈然便知樞密之可師而崇韜之不學者獨推吾吳氏之

譜實非虛語也噫自上流而下則世系井井自下漉而上則宗
支方方戴縱垂纓時節上塚者無慮千億而其間圭組之烜赫
相甲乙於左海之盛族不應見逸者世世狀碣而開卷寥寥惟
慕齋公狀碣見存阨於兵燹可推也世愈亂而譜愈勤者職是
之懼歟蓋三十年天地之大限故謂之一世而吾宗修譜未四
十者二年生者子孫成世成行死者邱壠滿山阿而世級日下
人事日變若不及時修譜則誰知後死者之責不如今日不死
者之舉也不佞首倡譜議諸宗馨應曰諾不日設役何但世行
登梓也狀碣之可載者載之板蕩此日設或不恆厥居梯山航
海而散處圖生遇昇平而會合按譜舒族則吾與彼同幾世祖

彼與吾爲某兄弟叔姪某山某向爲某祖之原與夫某祖之事
行昭然著稱於世者無遺可徵者非此據何指的凡修譜之大
義不以聚族於斯爲吾事已了必以孝悌爲傳世之準的願諸
宗隱處則以慕齋公之行義不苟爲之師立朝則以素圃公之
清直謙退爲之宗則爲吾海州吳氏者孝悌之風可庶幾哉今
此之舉不與慕齋公子孫同之勢耶天耶雖所拘勢不同安知
不久不合同也猥居檢校之列不可無一言遂書顛末以爲序

丙子壯月下浣不肖孫

彰善謹序

海州吳氏世譜卷之一

一世

吳克中

門下侍中

贈同知樞密使上

系失傳

二世

子宗仁

銀紫先祿大夫

知門下省事

配貞敬夫人瑞寧

柳氏知郡憲和

女

三世

子 敏

匡靖大夫行吏

部尚書

配貞敬夫人北州

金氏尚書兩三

女

四世

子光順

通政大夫行山

水縣監靖亂原

從功臣

贈兵曹判書

配貞敬夫人扶寧

金氏大司成承

迎文

五世

子時義

敬 先顯

時義

嘉善入夫吏曹

參判遺諫疏被

六世

子永汝

通訓大夫行機

長懸監

七世

子以洽

通訓大夫行興

海府使

八世

子文祖

初諱文奇

咸均進士掌隸

九世

子誠孝

下見

子謹孝

下見

天

海州吳氏世譜卷一